

## Morning Dogri (NSD) Bulletin 22-05-2024

### आकाशवाणी

- लोकसभा चुनां दे 6में ते 7में चरण लेई बक्ख-बक्ख सियासी पार्टियां उत्तर प्रदेश च चुनां प्रचार कराखदियां न।
- भारतीय मौसम विभाग नै उत्तरी भारत च गर्मी दी लैहर जारी रौहने दी भविक्खवानी कीती ऐ।
- मौसम विभाग नै जम्मू च मई दे अखीरै तोड़ी तापमान 44 िग्री थमां बद्द होने दी भविक्खवाणी कीती ऐ।
- पुणे च यात्रुएं गी लेइये जाखदी इक्क किशती उजैनी बांध च पलटी गई।
- ते उपराश्ट्रपति जगदीप धनखड़ होर अज्ज ईरान दे औपचारिक दौरै पर जाडन।

### UP-Rally

उत्तर प्रदेश च लोकसभा चुनां दे 6में ते 7में गेढ़ आस्तै बक्ख-बक्ख सियासी पार्टिएं दे नेता चुनां प्रचार कराखदे न। भारती जनता पार्टी दे वरिष्ठ नेता ते प्रधानमंत्री नरेंद्र मोदी बस्ती ते श्रावस्ती संसदीय क्षेत्रें च रैलियां करडन। बीजेपी नेता ते उत्तर प्रदेश दे मुखमंत्री योगी आदित्यनाथ जौनपुरए बस्तीए सुलतानपुरए सिद्धार्थ नगर ते बलरामपुर जिलें च रैलियां करडन।

मध्य प्रदेश दे मुखमंत्री कुशीनगर ते जौनपुर च चुनां प्रचार करंगन। बहुजन समाज पार्टी दी प्रमुख मायावती सुल्तानपुर च ते समाजवादी पार्टी प्रमुख अखिलेश यादव आजमगढ़ च रैली करडन।

## Campaigning

लोकसभा चुनां दे बाकी रौहंदे 2 चरणें लेई प्रचार जोरें-शोरें कन्नै जारी ऐ। वरिष्ठ नेता ते स्टार प्रचारक बक्ख-बक्ख थाहरें रैलियां करा रदे न। प्रधानमंत्री ते भारती जनता पार्टी दे वरिष्ठ नेता नरेंद्र मोदी होरें कल आखेआ ऐ जे आई.एन.पी.आई गठबंधन महिला विरोधीऐ ते ओह महिलाएं गी आरक्षण देने दा विरोध करदा ऐ। वाराणसी च छड़ी महिलाएं दी इक सभा गी संबोधित करदे होई प्रधानमंत्री होरें आखेआ जे समाजवादी पार्टी ते कांग्रेस दे शासनकाल च महिला सुरक्षित नेई हियां पर हुन योगी आदित्यनाथ हुंदी अगुवाई च उत्तर प्रदेश च महिलां मतियां सुरक्षित न। तोआई कांग्रेस अध्यक्ष मल्लिकार्जुन खड़गे होरें चंपीगढ़ च इक प्रेस कांफ्रेंस गी संबोधित कीता। उनें आखेआ जे हरियाणा ते पंजाब बड़े खुशहाल राज्य मन्ने जंदे नए पर इत्थे बेरोजगारी ते महंगाई अपने चरम पर ऐ। समाजवादी पार्टी प्रमुख अखिलेश यादव होरें भड़ोही च टीएमसी मेदवार ललितेश पाटी त्रिपाठी हुंदे समर्थन च इक सियासी रैली गी संबोधित कीता। उनें आखेआ जे बीजेपी गी मुख्य च 140 सीटां बी हासिल नेई होडन।

## Campaigning Delhi

दिल्ली च लोकसभा चुनां अपने अखीरले चरण च पुज्जा रदा ऐ ते बक्ख-बक्ख सियासी पार्टियें दे नेता चुनां प्रचार च कोई कसर बाकी नेई छोड़ा रदे न। भारतीय जनता पार्टीए आम आदमी पार्टी ते कांग्रेस पार्टी दे नेता दिल्ली दे बक्ख-बक्ख हिस्सें च जाइयै चुनां प्रचार करा रदे न। प्रधानमंत्री मोदी होर अज्ज द्वारका च इक जनसभा गी संबोधित करडन जिसले के कांग्रेस अध्यक्ष खड़गे होर भालसवा च इक रैली गी संबोधित करडन। कल भारती जनता पार्टी दे अध्यक्ष जे.पी.नड्डा अपनी पार्टी दे मेदवार लेई पालाम च रोड शो कीता ते पित्तपुरा च इक जनसभा गी संबोधित कीता। इयां गै केंद्रीय मंत्री राजनाथ सिंह होरें बी पार्टी दे मेदवापर लेई स्थिला च इक रैली कीती। आम आदमी पार्टी दे प्रधान ते दिल्ली दे मुख्यमंत्री अरविंद केजरीवाल होरें भजनपोरा च इक रोड शो कीता।

## WB-Amit Shah-JP Nadda

भारतीय जनता पार्टी दे वरिष्ठ नेता ते गृह मंत्री अमित शाह चुनां प्रचार आस्ते पच्छिम बंगाल दा दौरा करडन। ओह कांथी लोकसभा क्षेत्र च इक रैली च दशामल होंगन। मगरा ओह पार्टी दे लोकसभा मेदवारें दे समर्थन च धाटलए पुरुलिया ते बांकुरा च बी त्रै रैलियां करंगन भारतीय जनता पार्टी दे राष्ट्रीय अध्यक्ष जे.पी. नड्डा पच्छिम बंगाल च पार्टी दे कोलकाताए उत्तर ते कोलकाता दक्खण लोकसभा क्षेत्रें दे मेदवारें दे समर्थन च रैलियां करंगन।

## APP-BJP

आम आदमी पार्टी नै कित तौर पर रपे पैसे दे हेर-पेर ीग रोकने सरबन्धी कनून गी विपक्ष खिला हथियार दे तौर पर इस्तेमाल करने आस्तै भाजपा दी निंदेया कीती। नमीं दिल्ली च मीपिया कन्नै गल्ल करदे होई आप दी वरिष्ठ नेता आतिशी नै आखेआ ऐ जे दिल्ली च कथित शराब घोटाला आम आदमी पार्टी गी त्रुडने दी बीजेपी दी साजिश ऐ। दिल्ली हाई कोर्ट आस्सेआ आप पार्टी दे वरिष्ठ नेता मनीष सिंसौदिया हुंटी जमानत याचिका खारिज कीते जाने पर नाराजगी जाहिर करदे होई उनें दोष लाया जे बीजेपी सरकार राजनीतिक साजिश रचने आस्तै केंद्री जांच एजेंसी दा इस्तेमाल करा रदियां न।

## PM-Interview

प्रधानमंत्री ते भारतीय जनता पार्टी दे वरिष्ठ नेता नरेंद्र मोदी होरें आखेआ ऐ जे कश्मीर च भारी मतदान होआ रदा ऐ ते एह लोकतंत्र दा मानक बना रदा ऐ। इक निजी नयूज चैनल गी दिते गेदे इंटरव्यू च मोदी होरें आखेआ ऐ जे कश्मीर च वोटिंग नै 30 सोयां 40 बरे दा रिकार्ड त्रुड़ी दित्ता ऐ। मुद्रास्पीति पर मोदी होरें दावा कीता जे होर दुए मुखें दी तुलना च भारत च महंगाई काबू च ऐ। उनें आखेआ जे मौजूदा समें च रूस ते यूक्रेन बश्कार लड़ाई दा सिद्धा असर खाने ईंधन ते हैलें दी कीमते पर पवा रदा ऐ।

मोदी होरें आखेआ जे दुए मुखें च करसानें गी 3 जहार रपे फही बोरी यूरिया थहोआ रदा ऐ। जिसले कि भारत च करसानें गी एहदे आस्तै छड़े त्रै सौ रपे गे देने पवा रदे न।

## Weather

भारतीय मौसम विभाग नै इस म्हीने दी 25 तरीक तोड़ी पंजाबए हरियाणाए चंपीगढ़ए दिल्लीए उत्तर प्रदेशए राजस्जथान ते मध्य प्रदेश च बड़ी मती गर्मी रौहने दी भविक्खवाणी कीती ऐ। मैहकमे दा आखना ऐ जे अगले दऊं दिनें तोड़ी दक्खन पूर्वी अरब सागर दे किश हिस्सेंए मालदीव कामोनि इलाके ते बंगाल दी खाड़ी दे दक्खनी हिस्सें दे कन्नोकन्नी अंमान-निकोवार द्वीप ते अंमान सागर च दक्खन पच्छमी मानसून लेई साजगार स्थिति बनी दी रौहग। इस करी दक्खनी भारत च शुक्रवारें तोड़ी भारी थमां भारी बरखा बरने दे ते केरल च कल्लै तगर भारी बरखा बरने दे आसार जताए गे न ते अगले दऊं त्रऊं दिनें च तमिलनाडूए पुदुचेरीए करायकलए केरलए माहे ते कर्नाटक च मती भारी बरखा दी संभावना ऐ। मौसम विभाग नै भारत दे मध्य ते उत्तर पच्छमी इलाके च अगले किश दिनें तगर तापमान च 2-3 णिग्री सैल्यिस दा बाददा दर्ज होने दी शेंका जताई ऐ।

## Add-Weather

मौसम विभाग नै आखेआ ऐ जे मंदरें दे शैहर जम्मू च तापमान मई म्हीने दे खीरें तोड़ी 44 णिग्री सैल्यिस कोला उप्पर जाई सकदा ऐ। पिछले किश दिनें थवां जम्मू दे तापमान च उप्परोतली बाद्दा होआ रदा ऐ जेड़ा अज्ज-कल्ल 41 सोयां 42 णिग्री दे कोलकाल चला रदा ऐ। मैहकमे नै अगले कोई इक हफते तगर बरखा बरने दे कोई आसार नेई दस्से न ते मौसम आम तौर पर खुशक गै बने दा रौहग।

## Vice President

राश्ट्रपति जगदीप धनखड़ होर अज्ज इरान च जांगन। उपराश्ट्रपति होर ईरानी राश्ट्रपति डॉ. सैयद इब्राहिम रैयसीए विदेश मं.ी डॉ. जोसीन अमीरए अबदोलिहान ते बाकी इरानी अधिकारियें दे 19 मई गी हैलीकाप्टर क्रैश होने कारण आक्समात मौत होई जाने पर औपचारिक तौरा पर खीरी रस्मात च शामिल होंगन। उआं कल विदेश मंत्री एस. जयशंकर होरें बी नमीं दिल्ली च ईरानी एम्बेसी च शिरकत कीती ते इस अक्समात ते दुखद घटना लेई बसोस प्रगट कीता। इक सोशल मीडिया पोस्ट च जयशंकर होरें आखेआ जे उनेंगी म्हेशां भारत दे दोस्त दे रूपै गै चेता कीता जाग।

## Pune Boat

महाराष्ट्र दे पुणा जिले दी इंदापुर तहसील च उजनी पैम च किशती ़ुबबने करी 7 यात्री लापता होई गए न। इक यात्री तैरिए सुरक्षित बाहर आई गेआ। राश्ट्रीय आपदा मोचन बल दी टीम राहत कम्मै च लगगी दी ऐ। एह किशती इंदापुर तालुका दे कलाशी सोयां सोलापुर जिले दे करमला तालुका दे कुगांव जा रदी ही।

## CDS

चीफ ऑफ डिफेंस स्टाफ जनरल अनिल चौहान होरें आखेआ ऐ जे एकीकृत थिएटर कमान सशस्त्र बलें गी सैन्य तयारिएं ते युद्ध लड़ने दी अगली जमात च पजाने दी नीह रक्खंगन। नमीं दिल्ली च जवाइंट मैन शिप च्द वे अहेए विशे पर इक समारोह गी संबोधित करदे होई जनरल चौहान होरें कार्यात्मक एकीकृत थिएटर कमान दे पैसले आस्तै सांझा ते एकीकरण गी अत लाजमी दस्सेया। उनें आखेआ जे इस चाल्ली दे कमान दे निर्माण कन्नै आपरेशनल कमांर गी सुरक्षा दे मामले च मता ध्यान केंद्रित करने दा मौका थ्होग।

## Russia-Excercise

रूसी सेना नै यूक्रेनी सीमा कोला युद्ध अभ्यास दी शुरूआत करी दिती जेदे च लोड़ पौने पर परमाणु हथियारें दा इस्तेमाल बी शामिल ऐ।

मास्को नै इक्क बयानै च आखेआ ऐ जे एह पच्छमी धमकिये खला॥ इक परता ऐ।

### Teacher Award

उच्च शिक्षा सचिव संजय मूर्ति होरे उच्च शिक्षा च राष्ट्रीय शिक्षक पुरस्कार 2024 दे नामांकन आस्तै पोर्टल दी शुरूआत कीती। एह पुरस्कार तकनीकी ते गैर तकनीकी उच्च शिक्षा संस्थाने ते पालिटेक्निक संस्थाने आस्तै शिक्षके गी प्रदान कीते जांगन। मंत्रालय नै आखेआ ऐ जे चुने गेदे विजेताएं गी 5 सितंबर गी साबका राष्ट्रपति डॉ. सर्वपल्ली राधा कृष्णन हुंदे जयंती दे मौके पर शिक्षक दिवस आले दिन सम्मानित कीता जाग।

### IPL-Cricket

आई.पी.एल क्रिकेट च जंदी राती गुजरात दे नरेन्द्र मोदी स्टेडियम च खेड्गे गेदे पैहले क्वालीफायर मुकाबले च कोलकाता नाइट राइडर्स नै सनराइजर्स हैदराबाद गी 8 विकेटे कन्ने हराई दिता। एहदे कन्ने कोलकाता नाइट राइडर्स आई.पी.एल दे क्वाइनल मुकाबले च अपनी थाहर पक्की करने आली पैहली टीम बनी गई ऐ।